

## PWYLLGOR CYSWLLT RHEILFFORDD ARFORDIR Y CAMBRIAN DYDD GWENER, 28 MAWRTH 2025

### Presenoldeb:

Cyng. Anne Lloyd Jones (Cyngor Gwynedd)  
Cyng. Eryl Jones-Williams (Cyngor Gwynedd) – Cadeirydd y cyfarfod yma yn unig  
Cyng. Gwilym Jones (Cyngor Gwynedd)  
Cyng. Elin Hywel (Cyngor Gwynedd)  
Cyng. Meryl Roberts (Awdurdod Parc Cenedlaethol Eryri)  
Bill Redfern (Cymdeithas Trenau Teithwyr Amwythig – Aberystwyth)  
Lorraine Simkiss, Kate Day a Barbara Fuller (Rheilffordd Tal-y-llyn)  
Shane Brennan (Swyddfa Plaid Cymru – Dwyfor Meirionnydd)  
Gail Jones (Trafnidiaeth Cymru)  
Lowri Haf Evans (Swyddog Gwasanaethau Democratiaeth Cyngor Gwynedd)

### 1. YMDDIHEURIADAU

Derbyniwyd ymddiheuriadau gan Cyng. Dewi Owen (Cyngor Gwynedd), Cyng. Gwynfor Owen (Cyngor Gwynedd), Cyng. Elfed Wyn ab Elwyn (Cyngor Gwynedd), Cyng. Louise Hughes (Cyngor Gwynedd), Cyng. Richard Glyn Roberts (Gwynedd), Cyng. Alwyn Evans (Cyngor Sir Powys), Cyng. Trevor Roberts (Pwyllgor Rheilffordd Amwythig / Aberystwyth), Liz Saville Roberts (AS Dwyfor Meirionnydd), Mabon ap Gwynfor (AS Dwyfor Meirionnydd), Llio Hughes (Swyddfa Plaid Cymru), Delyth Griffiths (Swyddfa Plaid Cymru, Dolgellau), Joyce Watson (Aelod Seneddol Canolbarth a Gorllewin Cymru), Gwyn Rees a Tomos Roberts (Network Rail) a Clare Britton (Rheilffordd Ffestiniog).

Nodwyd bod y Cyng. Alwyn Evans wedi ei benodi fel cynrychiolydd Cyngor Sir Powys.

Nodwyd bod Tomos Roberts (Network Rail) wedi cael swydd newydd ac mai Gwyn Rees fyddai'n cynrychioli'r cwmni i'r dyfodol agos. Diolchwyd i Tomos am ei gefnogaeth i'r Pwyllgor.

### 2. DATGAN BUDDIANT PERSONOL

Ni dderbyniwyd datganiad o fuddiant personol gan unrhyw aelod oedd yn bresennol.

### 3. MATERION BRYD

Dim i'w nodi

### 4. COFNODION

Derbyniodd y Cadeirydd gofnodion cyfarfod blaenorol y pwyllgor hwn a gynhaliwyd 29ain o Dachwedd 2024 fel rhai cywir

## 5. DIWEDDARIAD GAN WASANAETHAU

### Trafnidiaeth Cymru (TrC)

Croesawyd Gail Jones i'r cyfarfod

Rhannwyd fideo o waith diweddar Trafnidiaeth Cymru ar Reilffordd y Cambrian oedd yn cynnwys gwaith peirianeg o adnewyddu traciau, cryfhau arglawdd a gweithgareddau cynnal a chadw allweddol rhwng yr Amwythig a Machynlleth o 21/3/25 hyd 3/4/25.

Gwnaed cais am fideo Gymraeg ac i'r fideo gael ei rhannu gyda'r Aelodau fel bod modd iddynt ei rhannu ar gyfryngau cymdeithasol eraill.

Adroddwyd bod yr aflonyddwch diweddar o ganlyniad i ddamwain yn Nhalerddig Hydref 2024 wedi dod i ben 21/3/25 gyda threnau erbyn hyn yn rhedeg rhwng y Drenowydd ac Aberystwyth a Machynlleth i Bwllheli.

Amlygwyd yr effaith ar blant sy'n mynychu Ysgol Uwchradd Tywyn ac eraill sy'n teithio i'r Coleg yn Y Drenowydd oherwydd cau ffyrdd a chau rheilffordd ar yr un pryd. Nodwyd bod rhai myfyrwyr heb allu mynychu'r coleg am bythefnos gan aros adref i weithio, ond heb allu gwneud gwaith ymarferol. Nododd y Cadeirydd, bod y gwyn yn un dilys yn creu effaith sylweddol ar bobl leol. Pan fydd gwasanaethau ffyrdd a rheilffyrdd yn cau mae'n gwneud bywyd yn anodd i bobl mewn ardaloedd gwledig, gyda'r gwyradau'n hir iawn a'r gwasanaeth bws yn aneffeithiol.

Mewn ymateb i'r sylwadau, nodwyd bod y gwaith oedd yn cael ei weithredu yn hanfodol gyda Network Rail wedi ei gynllunio ymlaen llaw.

Diolchwyd i Gail am ei chyfraniad

### Amserlen 2025 – 2026

Tynnwyd sylw at ostyngiadau yn amserlen Gaeaf Rheilffordd y Cambrian gan nodi bod colled y trên olaf yn un sylweddol i'r economi leol a'r sector lletygarwch. Er bod Llywodraeth Cymru yn ceisio annog pobl i ddefnyddio trafndiaeth gyhoeddus, oherwydd diffyg gwasanaeth mewn ardaloedd gwledig, mae'n rhaid defnyddio ceir, ac wrth ddiddymu gwasanaeth y trên ola far y Cambrain, ystyriwyd bod hyn yn mynd yn groes i bolisiau Llywodraeth Cymru.

Ategodd rhai Aelodau bod nifer o fusnesau wedi cael eu heffeithio oherwydd colled bod gwasanaeth y trên olaf wedi dod i ben, gan nodi bod sefydliadau megis y Magic Lantern yn Nhywyn a Theatr y Ddraig, Abermaw wedi gorfod aildrefnu llawer o'i digwyddiadau. Nodwyd hefyd bod yr effaith ar rai yn "eithaf dinistriol." Ystyriwyd bod y gwasanaeth gaeaf eisoes yn annigonol a'r cysylltiadau rhwng pentrefi a threfi, erbyn hyn yn amhosib. Cyfeiriwyd at y teithiau undydd (megis taith i'r Amwythig am y diwrnod), ac at deithwyr yn treulio nosweithiau ym Mhwllheli, Abermaw neu Aberdyfi, sydd bellach yn amhosibl. Nodwyd bod diffyg dealltwriaeth neu werthfawrogiad o'r hyn sy'n digwydd yn ein cymunedau oherwydd yr hyn sy'n cael ei reoli gan amseroedd y rheilffordd.

Cyfeiriwyd at ddeiseb gyda 3500 o lofnodion oedd o blaid achub y gwasanaethau nos, ac yn tynnu sylw at yr anawsterau oedd yn wynebu busnesau gydag esiampiau o golli gweithwyr ac ysgwyddo costau ychwanegol. Erfyniwyd am ddatrysiad gwell a modd o ail atgyfodi'r rheilffordd.

Tynnwyd sylw at Asesiad Effaith a gwblhawyd gan staff Rheilffordd Tal-y-llyn oedd yn cynnwys gwybodaeth am effaith negyddol y gwasaneth trên ar yr economi leol. Cyfeiriwyd at nifer o ymatebion oedd wedi eu derbyn gan ddefnyddwyr a sefydliadau unigol a gwnaed cais i'w wybodaeth gael ei rannu gyda'r Aelodau a Thrafnidiaeth Cymru.

Adroddwyd bod y pryderon wedi eu hamlygu mewn cyfarfod o'r Cyngor Llawn a bod y materion hefyd wedi eu cyfarch gan Mabon ap Gwynfor oedd wedi codi'r materion yn y Senedd.

Amlygodd Gail Jones y byddai'n rhannu'r negeseuon gydag Uwch Swyddogion Trafnidiaeth Cymru, ond mynegodd bod angen i'r Aelodau, a'r ASau barhau i lobio a thynnu sylw at yr effeithiau. Ategodd y bydd y trenau newydd yn cadw gwell cofnod o nifer y teithwyr fydd yn cryfhau'r dystiolaeth bod defnydd da o'r gwasanaeth.

### **Network Rail**

Nid oedd cynrychiolydd o Network Rail yn bresennol yn y cyfarfod i gyflwyno diweddariad ond nodwyd eu parodrwydd i dderbyn sylwadau / adborth am y gwasanaeth

### **Heddlu Trafnidiaeth Prydeinig**

Nid oedd cynrychiolydd o Heddlu Trafnidiaeth Prydeinig yn bresennol yn y cyfarfod i gyflwyno diweddariad

Adroddwyd bod cyfarfod cyhoeddus yn cael ei gynnal yn Nhywyn gyda Network Rail a Thrafnidiaeth Cymru (dyddiad i'w gadarnhau). Manylion y cyfarfod i'w rannu gydag Aelodau'r Pwyllgor pan fydd y wybodaeth ar gael.

## **6. CWESTIYNAU FFURFIOL**

Derbyniwyd cwestiynau gan Cyngor Cymuned Llanbedr

- *Enw Talwrn Bach ar yr arwydd yn ogystal â Llanbedr. Byddai hyn yn dderbyniol cyn yr haf.*
- *Bin ger y safle – ar y cyd gyda Cyngor Gwynedd (bin sbwriel a bin baw cŵn)*
- *Barriers diogelwch ar y ffordd.*
- *Gwelliant i'r Shelter - angen cryfhau'r to fel nad yw yn gollwng dwr.*
- *Cynllun i brynu map o lwybrau cyhoeddus er mwyn hyrwyddo'r rhain - fel yr un yn y Pentref, a'i osod ar gefn y Shelter.*

Mewn ymateb nodwyd bod amser wedi ei roi o'r neilltu yn ystod cyfnod cau'r rheilffordd i fynd ati i wneud rhai o'r gwelliannu yn yr Orsaf. Nodwyd bod trefniadau ar gyfer adeiladu

gwarchodfa newydd ar y gweill ac y byddai gwybodaeth am y warchodfa yn cael ei gyfathrebu mewn e-bost yn uniongyrchol at y Cyngor Cymuned. Byddai hyn yn cael ei gyllido drwy Gyllideb Cymunedol. Yng nghyd-destun cynnwys enw Talwrn Bach, nodwyd bod lle digonol ar yr arwydd i'w gynnwys.

Nid oedd ymateb wedi ei dderbyn ynglŷn â'r bin. LHE i ail gysylltu

Cyfarfod nesaf i'w gynnal Tachwedd 2025 – LHE i drefnu

Dechreuodd y cyfarfod am 10.30 y.b. a daeth i ben am 11.30 y.b.

---

**CADEIRYDD**